

შეთანხმება

ჯანმრთელობის, სიცოცხლის და უბედური შემთხვევის დაზღვევის ხელშეკრულებაში ცვლილების შეთანხმების შესახებ

ქ. თბილისი

22 აგვისტო 2023

ერთი მხრივ, სს „არდი დაზღვევა“ (შემდგომში „მზღვეველი“), რომლის იურიდიული მისამართია: საქართველო, ქ. თბილისი, ვაჟა-ფშაველას გამზ. #3, საიდენტიფიკაციო კოდი 404858631, წარმოდგენილი სამედიცინო დაზღვევის დირექტორის, ეკა ერგემლიძის სახით,

და

მეორე მხრივ, ივანე ჯავახიშვილის სახელობის თბილისის სახელმწიფო უნივერსიტეტი (შემდგომში – „დამზღვევი“), რომლის იურიდიული მისამართია: საქართველო, თბილისი, ი. ჭავჭავაძის გამზირი #1, საიდენტიფიკაციო კოდი: 2048644548, წარმოდგენილი მისი ადმინისტრაციის ხელმძღვანელის, ლაშა სალინაძის სახით, შემდგომში წოდებული „მხარეები“,

შეთანხმების საგანი

2023 წლის 01 თებერვალს გაფორმებული ჯანმრთელობის, უბედური შემთხვევის და სიცოცხლის დაზღვევის შესახებ # MED 01/02/2022-58 ხელშეკრულების 6.4 პუნქტის შესაბამისად, მხარეები თანხმდებიან:

1. ხელშეკრულების მე-2 მუხლის 2.1.14. პუნქტი შეიცვალოს და ჩამოყალიბდეს თანდართული რედაქციით:

2.1.14. გეგმიური ამბულატორიული სამედიცინო მომსახურების ხარჯები:

ანაზღაურდება დანართ N1-ში მითითებული ლიმიტისა და თანაგადახდის ფარგლებში და ითვალისწინებს სამედიცინო ჩვენებიდან გამომდინარე სხვადასხვა პროფილის ექიმ-სპეციალისტების კონსულტაციებს, ინსტრუმენტულ-ლაბორატორიული გამოკვლევებს, სამკურნალო-დიაგნოსტიკურ მანიპულაციებს, ამბულატორიული ქირურგიული მომსახურების ჩათვლით, როცა დაზღვეულის დაყოვნება სამედიცინო დანესებულებაში ხდება 24 სთ-ზე ნაკლები დროით. გეგმიური ამბულატორიული მომსახურების მიღება შესაძლებელია მხოლოდ მზღვეველის მიერ მითითებული ოჯახის ექიმის მიერ გაცემული მიმართვის საფუძველზე. ამასთან მომსახურების მიღება შეზღუდული იქნება შემდეგ კლინიკებში:

1. მედიქლაბ ჯორჯია
2. სამედიცინო ცენტრი „ციტო“
3. სამედიცინო ცენტრი „მრჩეველი (ლიმბახი)“
4. შპს თოდუას კლინიკა
5. ამერიკული ჰოსპიტალი თბილისი

6. ხელშეკრულების მე-2 მუხლის 2.1.16. პუნქტი შეიცვალოს და ჩამოყალიბდეს თანდართული რედაქციით:

2.1.16. მედიკამენტოზური მკურნალობის ხარჯები:

ანაზღაურდება დანართ N1-ში მითითებული ლიმიტისა და თანაგადახდის ფარგლებში და ითვალისწინებს შესაბამისი სამედიცინო ჩვენებიდან გამომდინარე, ექიმის მიერ დანიშნული მედიკამენტების ხარჯების ანაზღაურებას. დაზღვეულის მიერ სტაციონარული სამედიცინო მომსახურების მიღების დროს, მედიკამენტოზური მკურნალობის ხარჯების ანაზღაურება ხდება სტაციონარული მომსახურების თანაგადახდისა და ლიმიტის ფარგლებში. მედიკამენტების შეძენა შესაძლებელია, მხოლოდ მზღვეველის მიერ მითითებული ოჯახის ექიმის მიერ გაცემული მიმართვის საფუძველზე.

შენიშვნა 4: არარეგისტრირებული ფარმაცოლოგიური და ჰომეოპათიური საშუალებები, ასევე ბიოაქტიური დანამატები (ბადი, რომელიც დანიშნულია მკურნალობის პროცესისთვის) ანაზღაურდება მხოლოდ პროვაიდერ სააფთიაქო ქსელში შეძენის შემთხვევაში, ხელშეკრულების პირობების შესაბამისად. მათი შეძენა შესაძლებელია პროვაიდერ სააფთიაქო ქსელ(ებ)ში, ოჯახის ექიმის მიმართვის საფუძველზე.

7. ხელშეკრულების მე-2 მუხლის შენიშვნა #8 შეიცვალოს და ჩამოყალიბდეს თანდართული რედაქციით:

შენიშვნა 8: საყოველთაო და სხვა სახელმწიფო ჯანდაცვის პროგრამის მოსარგებლებებისთვის შესაბამისი სერვისის, მათ შორის მედიკამენტის, უპირატესი გადამხდელი იქნება ჯანდაცვის პროგრამა, ხოლო სს „არდი დაზღვევა“ დაფარავს თანაგადახდის ხარჯებს ასეთის არსებობისას.

8. ხელშეკრულების მე-2 მუხლის 2.2.3. პუნქტი შეიცვალოს და ჩამოყალიბდეს თანდართული რედაქციით:

2.2.3. იმ სამედიცინო დაწესებულებებში მიმართვისას, სადაც სამედიცინო მომსახურების ორგანიზებას ახდენს მზღვეველი, დაზღვეული მზღვეველთან წარადგენს სამედიცინო და ფინანსურ დოკუმენტაციას, კერძოდ:

- ფორმა IV-100/ა ან/და ექიმის დანიშნულება;
- სამედიცინო დაწესებულების მიერ გაცემული ანგარიშ-ფაქტურა/კალკულაცია;
- საჭიროების შემთხვევაში სამედიცინო დასკვნები, კვლევის პასუხები;
- პირადობის დამადასტურებელი დოკუმენტი.

მოქმედი სადაზღვევო პროგრამის პირობებთან და მზღვეველის მოთხოვნებთან შესაბამისობის შემთხვევაში, მიმართვა/საგარანტიო წერილი გაიცემა **10 (ათი) სამუშაო დღის** განმავლობაში. დაზღვეული პასუხისმგებელია მზღვეველთან სამედიცინო და ფინანსური დოკუმენტაციის სრულყოფილად წარმოდგენაზე. მოთხოვნილი დოკუმენტაციის არასრულყოფილად წარმოდგენის შემთხვევაში, მზღვეველი უფლებამოსილია არ გასცეს მიმართვა/საგარანტიო წერილი, არსებული ნაკლოვანებების აღმოფხვრამდე.

9. ხელშეკრულების მე-3 მუხლის 3.6. პუნქტი შეიცვალოს და ჩამოყალიბდეს თანდართული რედაქციით:

3.6. დაზღვეულ პირთა გაუქმება შესაძლებელია მხოლოდ თანამშრომლის სამსახურიდან გათავისუფლების შემთხვევაში, ამასთან გათავისუფლებული თანამშრომლის დაზღვევის გაგრძელება, ამ ხელშეკრულების პირობებით, მზღვეველის მხრიდან არ განიხილება.

10. დანართი #1 შეიცვალოს თანდართული რედაქციით.



11. ცვლილება ძალაში შევიდეს 2023 წლის 01 სექტემბრიდან.

12. # MED 01/02/2022-58 ხელშეკრულების სხვა პუნქტები დარჩეს უცვლელი.

13. შეთანხმება წარმოადგენს # MED 01/02/2022-58 ხელშეკრულების განუყოფელ ნაწილს.

14. წინამდებარე შეთანხმება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება მხარეებთან.

ხელმოწერები

საფირმო სახელი:	სს „არდი დაზღვევა“	საფირმო სახელი:	ივანე ჯავახიშვილის სახელობის თბილისის სახელმწიფო უნივერსიტეტი
საიდ. კოდი:	404858631	საიდ. კოდი:	2048644548
იურ. მისამართი:	თბილისი, ვაჟა-ფშაველას გამზ. №3	იურ. მისამართი:	საქართველო, თბილისი, ი. ჭავჭავაძის გამზირი #1
ხელმოწერა:		ხელმოწერა:	
სახელი, გვარი:	ეკა ერგემლიძე	სახელი, გვარი:	ლაშა სალინაძე
თანამდებობა:	საოპერაციო დირექტორი	თანამდებობა:	ადმინისტრაციის ხელმძღვანელი
თარიღი	22/08/2023	თარიღი	22/08/2023